

TE VEA MAOHI

Aratai no te Anoanotupu no te mau Haapao raa Farani i Oteania

NENEI HIA I TE MAU AVA'E ATOA

TE HOO: Hoê matahiti: 40 farane — Te Vea hoê: 1 farane.

MATAHITI 1940.
N° 20.

Vea tuati i te Vea a te Hau no te mau Haapa'o raa Farani i Oteania.

AVAE: TITEMA

Tere faaati o te Tavana Rahi.

Moorea:

I te mahana toru 13 no novema i mairi aenei, ua tae te Tavana Rahi oia hoi o de Curlon, o tei apee hia e Miti Ahnne, Perehiti no te Tomite o te mau Farani Tiama, e te Tomana Gilbert, i Moorea na nia i te manu reva.

Ua putuputu mai te mau rave ohipa a te Hau, te mau Tavana mataeinaa. Ua oto te himene o te ai'a, na te mau tamarii no te haapiiraa, e ua afai hia mai hoi te hoe pupa tiare nenehe maitai o tei faahanahana atoa hia na roto i te mau reo himene o tei faanaho hia i Moorea iho e ta te pupu himene no taua mataeinaa ra i himene mai. Ua aparau te Tavana Rahi i mua i te hoe nahoa rahi taata o tei putuputu mai i taua taima ra, ua faaroo maite hoi te taata i taua mau parau maitatai ra, e ua pahono hoi te mau orero na roto i te reo maohi, i te faaite papu raa i to ratou here faito ore i te Ai'a Metua e to ratou hoi hinaaro papu maitai i te tamau noa i te faaea i pihai iho i to ratou ra Hau Amui ia Paretane, i raro ae i te reva o te mau Farani vi ore ta de Gaulle e faatere nei. Ua paraparau atoa o Miti Ahnne maite faateni maite i te ohipa i rave hia i te taamu raa ia tatou i te mau Farani vi ore oia hoi te Farani Tiama. Na Matotai tane i opani te paraparau raa i taua taurua ra, mai te faaite papu mai oia i te hinaaro tumu o te Huiraaatira o Moorea taatoa ia vai noa te tiama e ia vai a hoi te mau Farani i te Reva Farani i nia ia Oteania.

I te mahana 15 no novema, ua haaputuputu hia te huiraaatira o Moorea i roto i te fare haapiiraa i Taravao, no te faaroo raa i te Tavana Rahi i roto i ta'na mau orero raa no nia i te mau ohipa e tupu nei i teie mau taima i te atea e e io tatou nei hoi. Ua faahiti hoi oia i te mau ravea e au no te tamarii rahi i te ati ta te tama'i rahi e faatupu nei i te ao taatoa nei. Ua tao oia e o te rave i te ohipa na roto i te maru e te mana'itoito, eiaha te amahamaha i te tahi e te tahi, ia vai te au taeae i roto i te mau taata atoa e manuia'i tatou i roto i teie nei ati. Na te Tavana Oire, o Tihoti Maehaa, i faataa-faa atu ia'na i te mau orero mahanahana maitai ta te mau mero i faataa hia no taua tuhaa ra i tao atu ia'na mai te faaite papu atu e tei raro ae ratou i teie nei faatere raa api e e turu hoi ratou i te reira mai te itoit.

Raiatea:

I te mahana toru, 4 no titema, ua faarue te Tavana Rahi i Papeete na nia i te manu reva e ua horo atu i te mau fenua i raro. Ua mau oia na nia ae i Maiao, e i te hora 8 i te poipoi, te tapae atu nei oia i te uabu i Uturoa. E nahoa rahi tei tae mai no te farii atu i to ratou ra Taote-Tavana Hau tahilo. Te mau taata o te Hau, na Tavana o na mataeinaa 12, te huiraaatira o Raiatea e Tahaa, ua amui mai, e ua tuu i te tapao no te fatura i te reva farani i te taima a oto ai te himene o te Ai'a Metua o ta te mau tamarii o te mau haapiiraa i faatoto i taua taima ra.

I te hora ahuru e te afa, e inu raa tei faatupu hia i roto i te piha rahi o te Fare Hau. Na te upoo o na Toohitu i pahono na roto i te io'a o te huiraaatira taatoa i te orero a te Tavana Rahi, ua faaite oia i te tiaturi raa hoe roa o te huiraaatira taatoa, maori ra te farii i te here i te ohipa e rave hia nei e te mau Farani Tiama, o ta ratou i tapea tamau mai te 25 no tiunu.

Oia'toa ia'na i tae i Huahine i te ahiahi iho, e mea na roto atoa hia mai i te reo o te mau Tavana mataeinaa te horoa hia mai te parau faaite e e tamau noa taua mau fenua nei i te auraro i te mau faatere raa a te Tenerara de Gaulle.

Na mua ae i te haere i Bora-Bora, ua faahoi te manu reva i te Tavana Rahi e i te Tomana i Uturoa, ua faa'ineine hoi te Tomite no te mau arearea i te hoe taurua iti no te faahanahana atu i na Mana o te fenua. Ua faatupu hia te reira i roto i te Fare Hau, i Uturoa. Ua maururu roa te Tavana Rahi i te mau peu i rave hia i reira, na roto i te au maitai te rave raa hia e te hiroa ohipa hoi o tei rave hia e mea tano maitai ia i te haapaari i teie nei tuhaa ta tatou e opua nei.

I te hora 6 i te ahiahi i mau ai te Tavana Rahi na nia i te motu iti nenehehe ra i Bora-Bora. Mai te mau vahi atoa ta'na i haere ra mai te reira atoa ia te huru o Bora-Bora. Ua i hoi te uahu iti api i te taata o tei faahanahana maite i te Tavana Rahi api. Te mau aparau raa e te mau himene hoi i rave hia e mea tano maitai ia.

I te 5 no titema, i te poipoi roa, ua mau faahou te manu reva rahi no tatou nei, no te afai alui te Tavana Rahi i Maupiti. E oia apiapi hoi teie nei oia, e aita e manu reva mai teie te rahi i nenehehe aenei i te tapae i reira e tae roa mai i teie nei mahana.

A tahi ra hoi ohipa faahia hia i tupu i taua motu ra, e no

reira ua hitimahuta e ua oaoa roa teie nei huiraa tira iti i teie nei tere o te Tavana Rahi, e ua mauruuru rahi roa atoa hoi ratou i te mau parau api faahiahia ta te Tomana i faati'atia atu ia ratou no nia i teie nei tama'i rahi e tupu noa nei, e mea varavara hoi teie nei mau taata rii i te faaroo i te mau parau mai teie te huru no nia i te tama'i e aita roa hoi ratou e ite nei i te mau ino rarahi ta'na e faatupu nei i te ao nei.

Ia oti aera teie nei tere, ua hoi mai te Tavana Rahi, mai te tapae haere i Bora-Bora, e Raiatea e tae roa mai nei i Paapeete, na roto hoi i te hoe taime huru ino rii te reva. O ta te Tavana Rahi i faahiahia i nia i taua tere hoi raa fare ra, mao-ri ra o te huru ta'na i ite i nia i to ratou manu reva. E mea mā to ratou faurao, e te mau ihitai hoi e faatere ra ia'na e faatia maitai e te mā hoi i ite ai oia e e mea maitai mau a te ohipa e rave hia na roto i te aau tae, o te huru hoi te reira o te mau nunaa e pee nei na raro ae i te faatere raa a te mau farani liama.

Mau faaue raa mana a te Hau

FAAUE RAA n° 939 c. — No te 14 no novema 1940

Ua farii hia aenei te horoa raa i na moni ra 2.349 farane ta te taata ra o M. S. Basista i rave aenei.

Te faatere moni a te Hau e te faatere i te mau ohipa a te Hau o tei haamana hia no taua ohipa ra.

FAAUE RAA n° 940 c. — No te 14 no novema 1940.

Na roto i te hinaaro-horoo o na taata ra o Mauriarii, Ioane e Tetuanui a Taputu oia'toa o Aaravai a Teria e ta'na ra vahine i te tahi tuhaa fenua, inaha ua rave hia'enei te faaue raa i muri nei:

Irava 1. — Ua farii hia te horoa raa i parau hia i nia nei, no te tuhaa fenua ra o "IRIIRIMATAIOTA" e vai i Moerai (Rurutu). Teie to'na rahi raa e to'na atoa ra mau otia: i te pae i te purumu e 23 metera ia te roa, i te pae i te pape Purua, e 20 m. 30, i te tahi ae pae, e tuati atu ia i te tuhaa fenua ra o Teria 49 metera i te roa e i te tahi atu pae, ua tuati atu ia i te fenua ra o Hurahutia e 50 ia metera. Ua horoo hia teie nei tuhaa fenua no te faatia i te fare haapiiraa.

Irava 2. — E hoi faahou teie nei tuhaa fenua i roto i te rima o te mau fatu, mai te peu e aita te Hau i nehenehe ia faatia i te Fare i opua hia nei.

Irava 3. — O na faatere ohipa no te Haapiiraa a te Hau o tei haamana hia no te faaoti i teie nei faaue raa.

FAAUE RAA n° 941 c. — No te 14 no novema 1940.

O te taata ra o Alphonsi o tei haamana hia no te rave i te ohipa i faahiti hia i nia nei, na'na e mono i te Hau no te haamana raa i teie nei horoo raa.

FAAUE RAA n° 950 a.g.f. — No te 14 no novema 1940.

Irava 1. — Ua faatama hia te faaau raa o tei rave hia i te 26 e 28 no setepa 1939, i rotopu i na taata ra o E. Tambrun e o Brodien G. S. e te Hau i te tahi atu pae, no nia i te ohipa no te haapahu raa, te patu raa e te titia raa i te pape e horoo hia ra i te oire i Uturoa e o tei vai i nia i te tuhaa fenua o E. Tambrun.

Irava 2. — Ua faatama atoa hia te hoe mau faatumu raa i te ohipa i rave hia i nia nei mai teie te huru:

1 — E horoo noa te Hau oire i Uturoa na te taata ra o E. Tambrun i te pape mai te ta moni ore roa, i roto i te mau auri pape e vai ra i roto i te au'a o E. Tambrun, te rahi raa o te mau auri ra e au ia i tei oti i te hamani hia i te taime a mana'i teie nei parau. Te taatoa raa o te mau auri e vai ra i nia i te tuhaa fenua ra o "Tono'i", tei reira te fare faaea raa o te fetii tamarii o M. Tambrun, e tae noa'itu i te taime e iriti hia mai ai te mau ohipa no te pape e vai ra i nia i te fenua ra o Tepua.

FAAUE RAA n° 988 no te 21 no novema 1940.

Irava 1. — E aufau hia'itu te tahi utu'a na te mau tauturu haava-maohi no Raiatea, ia tae i te taime e tia'i ratou i roto i te mau haava raa. E 20 farane i te haava raa hoe.

Irava 2. — Ia haamana hia e ia faatae hia teie nei faaue raa i te mau vahi atoa e au ai ra.

FAAUE RAA n° 989 no te 22 no novema 1940.

Irava 1. — Ua tia roa ia vaiho rii hia e piti ava'e faahou te maoro raa no te faaapi faahou raa te mau fatu fare toa fenua ee i Tahiti nei e e toru ava'e no te mau taata ee i te mau motu atea.

Irava 2. — Ia haamana hia e ia faatae hia teie nei faaue raa i te mau vahi atoa e au ai ra.

FAAUE RAA n° 1002 no te 26 no novema 1940.

Irava 1. — I te 15 no titema nei e titau hia'itu ai te afa matamua o te mau tamarii faehau no te pupu 1940.

Irava 2. — Na te Raatira faehau e ta'na pihā toroa e faatae atu i te mau parau no teie nei faaue raa i te mau vahi atoa e au ai ra.

MAU FAAUE RAA E TAUI RAA

N° 979. — Te faatia hia nei te taata ra o Oruelu a Tehei, mutoi, ia faaea rii i te ohipa hoe ava'e, mai te 7 no novema 1940, mai te aufau taata hia'itu ta'na ra moni ava'e.

N° 980. — Ua faatia faahou hia te taata ra o Moua (Marcel), ia faaea rii i te ohipa no na ava'e ra e 3, o te ono raa ia to'na vaiho raa hia, oia hoi a 21 ava'e ia te taatoa raa ta'na i faaea no te rapaau i to'na ra ma'i. Te afa raa o ta'na tuhaa moni ava'e te aufau hia'itu ia'na i te reira taime.

I muri ae i taua taime e 3 ava'e ra, e faahou atu ia o Moua e farerei i te taote ia hiopoa faahou hia'itu mai te au i na irava 43 e 44 no te faaue raa n° 1068 a.g.f.

N° 999. — Ua farii hia te faahoi raa toroa i rave hia aenei e te taata ra o Manate (Teroo), no nia i to'na toro mutoi i Avera (Rurutu), mai te 15 no atopa i mairi aenei.

N° 1000. — O Tepiipiarii a Teamaama a Tamata, te noho i Avera (Rurutu), e taata oti i te faaipoipo, oia tei farii hia ei mono ia Manate i nia i taua toroa mutoi no Avera ra.

N° 1001. — O Teriiahoroa a Patii, taata faaipoipo, e noho i Tubuai tei mono i te toroa mutoi i taua mataeinaa ra, i muri ae i te pohe roa raa te taata ra o Hoffmann, Théodore. E mau te taata i faahiti hia i nia nei i te toroa mutoi i Mataura-Tahuaia, Tubuai.

N° 998. — Te tuu hia nei te taata ra o Forrest Doom ei ra-

paaui ma'i i Taiohae. Te tuu hia nei oia i teie mau mahana i te fare ma'i i Papeete tiai noa'tu ai i te pahi e reva'tu i Taiohae.

2- E faahoi te Hau i na moni ra 1.452 fr. 50 na Tambrun no na matahiti ta'na i aufau i mua ra mai te matahiti 1932 e tae noa'tu i te 1937.

Irava 3. — E faahoi hia'tu teie nei moni na te Hau, no te mea ua oti aenei hoi te aufau hia ta Tambrun na roto i te parau titau raa moni n° 642 no te 19 no eperera 1940.

Irava 4. — Ia faatae hia teie nei faaue raa i te mau vahi atoa e au ai ra.

FAAUE RAA n° 955 c. — No te 14 no novema 1940.

Ua faaineine hia aenei te hoe mau tomite no te faatano faahou i te mau utu'a e au no nia i te moni matahiti i nia i te fare. E rave hia taua mau ohipa i Raiatea-Tahaa, Huahine, Bora-Bora-Maupiti, Nuu-hiva ma, Maareva, Makatea, Rururu-Rimatara, Tubuai-Raivavae.

Mai teie te huru o taua mau tomite ra, mai te au i te faaue raa no te 3 no tiunu 1939, irava 3:

I Raiatea: Na te Tavana-Hau e aore ra to'na mono e e 2 na taata o tei hau ae i te faautua hia no nia i taua utua nei. I te tahi atu mau motu, na te faatere ia i te mau ohipa a te Hau e te Tavana mataeinaa e e 2 tau taata faautua rahi hia'e.

Irava 2. — Mai te peu e aita i nehenehe i te taatoa raa o te tomite i haapao hia no taua mau ohipa nei i te tauturu, e oti noa ia ia rave hia e na taata too toru tei maiti hia.

Ia tupu noa'tu te amahamaha i roto i te apooraa, e taio piti hia te reo o te peretileni.

E faaoti hia hoi te hoe parau i muri ae i te oti raa te mau ohipa e rave hia e ia tuu te mau mero taatoa i to ratou ra io'a i raro i taua parau ra.

Irava 3. — Ia faatae hia e ia haamana hia teie nei faaue raa i te mau vahi atoa e au ai ra.

FAAUE RAA n° 964 a.p.e. — No te 15 no novema 1940.

Irava 1. — Ua faatia hia aenei te faahoi raa mai i to'na to-raa mero no te apooraa oire i Uturoa, na te taata ra o M. de Balmann.

Irava 2. — Ua mana teie nei faaue raa i te 6 no novema 1940 e haamana hia ia e e faatae hia i te mau vahi atoa e au ai ra.

FAAUE RAA n° 982 c. — No te 20 no novema 1940.

Irava 1. — Ua tupu hia te toroa Tomitera mutoi i nia i te mutoi farani Schenck (Louis) no Raiatea e Tahaa.

Irava 2. — Ia haamana hia e ia faatae hia teie nei faaue raa i te mau vahi atoa e au ai ra.

FAAUE RAA n° 987 c. — No te 21 no novema 1940.

Irava 1. — Ua iriti hia aenei te permis faahoro pereoo uira a te Anito ra o Chin Ah You n° 4011, tei papai hia i te numera 2377 no te 26 no novema 1936.

Irava 2. — Ia faatae hia teie nei faaue raa i te mau vahi atoa e au ai ra.

FAAARA RAA I TE HUIRAATIRA

E rave rahi a'e nei taata o tei amuamu i te hoo rahi o te mau tauihaa i roto i te vetahi mau fare toa.

Te faaara hia'tu nei outou e te huiaraatira e tei ia outou iho te faatae mai i taua mau fifi ra i roto i te rima o te mau piha toroa o te Hau i faataa hia no te faautua i taua mau toa ra. A faatae atu i te rima o te Tomitera mutoi, e aore ra i te raatira no te piha mutoi i Papeete. i te mau peretiteni o te mau apooraa mataeinaa, e te feia atoa i haamana hia no te papai atu i taua mau hape ra.

Teie hoi te mau ture i faataa hia no te turu atu i te huiaraatira no taua mau fifi ra:

1) Faaue raa no te 28 no tetepa 1937, no nia i te pia raa i te mau hoo i nia i te mau taao atoa e vai ra i roto i te fare toa.

2) Faaue raa no te 25 no atete 1937 e 25 no eperera 1938, o tei poro hia na roto i te vea a te Hau e o tei opani roa i te taui raa i te mau hoo mai te faatia ore hia e te piha toroa a te Hau no te reira ohipa. Ua rave hia te hopea raa o te tapura raa i te mau hoo i te 1 no tiunu 1940 te reira te hopea o te hoo e tano i te mau toa ia rave. Mai te peu e ua faahurue ratou i taua mau hoo ra, a faatae mai i te horo raa. Ua haere roa' toa teie nei tamau raa i nia i te mau pereoo uta taata.

3) Faaue raa no te 11 no eperera 1940, o tei poro atoa hia na te Vea a te Hau, no nia i te feia o tei haaputu i te taao i to ratou ra utuafare, e te lali atu a mau faataa raa.

4) Faaue raa no te 24 no tiunu 1940, o tei titau i te mau fa-lu taao ia faaite pinepine i te Hau i te rahi raa tauihaa e vai ra i roto i to ratou rima.

5) Faaue raa no te 6 no tiurai 1940, tei faataa e e horoa i te parau pee raa i te feia'toa e hoo raa i te tauihaa.

Ua poro hia aenei na roto i te vea no te 1 e te 2 no tetepa i mairi aenei te mau moni e tano no te hoo o te mau tauihaa. Aita e taui raa i tupu i muri ae i te reira poro raa maori ra to te hinu aratita, ua mae'e rii ia, hoe tara e iva raera i te libera i mua ra e ua lae i te piti tara e hitu raera i teie nei i litera.

Ua hiopoa aenei te piha toroa a te Hau no nia i te hoo no te hinu haari e te uaina painapo e teie te moni ta'na i faaau maori ra, hoe tara e iva raera i te litera hinu, na te taata ihoa e hoo mai e afai atu i te litera, e hoe tara e toata i te litera uaina, aita'toa e mohina.

E tuu hia na roto i te vea i te mau taime atoa e tupu mai ai te hoe faahurue raa i te mau hoo.

Niunui no te 4 no titema 1940.

No Paretane. — E mau vahi atea ta te mau nuu manu reva paretane i haere i teie pô, i Purutia, i Norovetia e i te mau tuhaa fenua atoa e mau hia ra e Purutia.

Tei Renania, i Purutia te rahi roa raa ta teie nei mau manu reva topita raa, i nia i te mau tuati raa pereoo auahi e i nia hoi i te mau tuati pahi o te mau pape rarahi. Ua parau hia e e auahi rahi tei tupu. Ua topita atoa hia te hoe mau pahi uta faehau e te maa i tua. Ua haere atoa hoi te tahi mau manu reva i Itaria, e mau titia raa mori ia ta ratou i topita i reira. Hoe manu reva itaria o tei perehu noa i to'na vai raa, aita roa to Paretane e manu i ati i taua mau tere ra.

No Heleni mai. — Te tamau noa ra na nuu manu reva o Heleni e o Paretane i te haapeapea i te mau nuu itaria, o Valona te oire i peapea roa, ua parari roa te uahu i taua oire ra e hoe pahi o tei tano maitai i te topita.

Marite. — Te faaite nei te Faatere Hau rahi no te pae faufaa i Marite, e ua rave aenei oia i roto i to'na rima i te faatere raa i te tauturu ia Paretane no nia i te ohipa no te mau pahi. Te hinaaro nei teie nei taata i faaoioi o Marite i te haponu atu i ta'na atoa ra mau pahi no te tauturu ia Paretane.

I na reira ai teie nei Hau, no to'na ia ite raa i te ati rahi e iri nei i nia i te mau tima paretane, na roto i te ohipa ino a te mau pahi hopu a te purutia.

Ua haere aenei te Faatere Hau tama'i o Marite e hiopoa haere i to'na ra nuu pahi tama'i i roto i te mau miti i te pae i Panama.

Ua tae atoa o Roosevelt, oia hoi te Peretiteni no Marite na te moana no te hiopoa atoa i te puai o Marite e vai ra i roto i taua mau miti ra. E te manao hia nei e e faaea rii paha oia e mataitai roa i te mau faatia raa tama'i e rave hia e taua mau manua ra i te mau mahana i mua nei.

Parau rii faaanaanaatae manao.

Te ora ra ia taata i mutaa iho ra e toru ona pue hoa mataitai o tei fatata noa ia'na i te mau mahana'toa.

Roo hia ihora taua taata ra i te hoe peapea buru rahi, ua titau hia oia i mua i te aro o te Haava raa no te tahi pari raa i iri i nia ia'na.

Ua tupu te peapea rahi i roto i te aau o taua taata ra, i te mea hoi e ore roa e nehenehe ia'na ia faatiama ia'na i mua i te aro o te tiripuna, e na roto ra i te tauturu o to'na ra tau pue hoa, e riro paha ia oia i te hi'o aroha hia mai.

Ua farerei atura oia i na pue hoa nei: Ia'na i aparau i te hoa matamua, ua patoi oioi noa mai ra te reira ia'na mai te faaite papu mai e ore roa rahi ta'na i opua no taua mahana ra e no reira ra e ore roa e nehenehe ia'na ia tae i taua haava raa ra.

Ua tamata'tura i te piti o te hoa, ua farii maira, mai te haapapu mai ra e e ohipa huru fifi ta'na no taua mahana ra, e aore roa i papu oia te tae i mua i te aro o te haava, e tamata ra hoi oia.

Haamano atura oia i te toru o to'na ra hoa, teie ra e taata huru paruparu rii oia, e no reira, ua feruri noa teie nei taata e e mau'a to'na taime no te farerei atu i te reira hoa.

Hoi atu ai oia i to'na ra utuafare, mai te peapea rahi i te mea aore roa i papu te parau o na ite nei.

Tae aera i te mahana i faaau hia no taua haava raa ra, inaha ua tae atura te taata i pari hia nei i mua i te aro o te tiripuna. Ua hi'o haere oia i na hoa too toru; e teie ta'na i ite i taua taime ra,

Mai te au ihoa i te parau a te hoa matamua, inaha aore oia i tae mai i taua haava raa ra; tiai atu ai i te piti o te hoa e inaha, te ite nei oia i te hoe taata o tei horo oioi noa mai e farerei ia'na mai te parau mai e eiaha roa e inoino, mai te au ihoa i ta'na i faara'tu. Inaha ua tae mai te hoe hoa no'na e e ore roa oia e nehenehe ia faarue i te reira i te utuafare, poroi atura e a faaitoito i roto i to'oe ra ati. A nevaneva hanoa'i taua taata ati nei, mauui noa'i to'na ra aau, ua ite oia i te hoe rima aroha i te toro raa mai ia'na mai te parau mai e "IA ORA NA", ua farii aera oia e inaha o te hoa o ta'na i ore roa i manao ra teie e toro mai nei te rima, mai te parau atu e, e tau hoa, i te poipoi nei tou faaroo raa i to'oe na ati

e inaha ua manao aera vau e e haere mai e tauturu ia oe i to'oe peapea. Topa ihora te hau i roto i te aau o te hoa nei, te mea hoi e ua roa te tauturu manao ore hia ia'na.

Ia tae aera i te taime a pii hia mai ai te ite o te taata nei, ua tia'tura teie nei hoa, e na roto i ta'na ra mau parau mataitai e te maramarama maitai i tuu atu no te paruru raa i to'na ra hoa i roto i teie nei pari raa ino, inaha ua mauruuru te haava e ua faatiama i teie nei taata.

Teie te auaa i teie nei parau iti: E toru o tatou hoa i te ao nei. Te matamua ra, o ta tatou ia mau faufaa, ta tatou i haaputu i te ao nei, te piti ra o to tatou ia mau laata tupu, oia hoi te mau hoa e rave rahi e te toru ra, o ta tatou ia mau ohipa i te ao nei. Te haava raa ra, o te taime ia e faarue ai tatou i teie nei ao.

Ia tae i taua taime ra, ua ite paaloa'nae latou e la latou mau faufaa i haaputu i te ao nei, eila roa ia e apee mai ia tatou i to tatou tiahapa hopea, area to tatou mau hoa, e haere atu ia e afai i to tatou atoa ra mau tino i taua puhapa ra, faarue atu ai; area ta tatou mau ohipa i te ao nei, e apee te reira ia latou e tae noa'tu i te hopea, eila te reira e faarue ia latou.

Te putapu faahou maira te tiaturi raa maitai.

Ua faaroo aenei hoi tatou i te ati rahi o te mau nuu itaria i Alabania: ua otohe ia i muri i te nuu iti heleni, e nehenehe ia parau hia e e maa ati to te nuu itaria i te reira pae.

Teie te tahi maa ati rahi roa'tu. Ua faaroo aenei tatou e i muri ae a pau ai Farani na ava'e i mairi aenei, ua ito-ito roa te mau nuu itaria i te tupai i te nuu iti paretane i te pae i Aiphiti, no te hinaaro e haru mai i te faatere raa i te pae miti i Suez. Ua huru manua rii, no te mea aita o Paretane i ineine no te patoi u'ana mai i taua taime ra, e inaha ua otohe noa te mau nuu paretane, mai te faau ore roa mai i te mau nuu itaria, a vare noa'tu ai te itaria e eila roa e nehenehe ia Paretane ia aro atu ia'na i taua vahi ra. Otohe noa'tura te nuu iti paretane e tae roa'tura i nia i ta'na mau reni haapaari hia e faaea ihora: mau atoa'tu ai te nuu itaria.

Faaea rii noa'tu ai taua tama'i ra i reira e inaha a tae ra i na mahana i mairi aenei, e na ta tatou i faaroo?

E piti noa iho mahana te rave a hia teie nei faaau raa. Tera ra, e faaau raa tama'i mau tei rave a te Paretane. Ua na nia, na raro e na tai hoi te ravea raa hia mau nuu faahiahia a Itaria e i roto i taua na mahana ra, teie te rahi raa o te ati o Itaria: 40.000 faehau i mau i te au, e 5 hoi Tenerara, area te mau mauhaa tama'i, aita roa ia'oti i te ta numera hia. te faaite maira te feia i ite mata i taua ati rahi o Itaria ra e e pau tau hepetoma no te faataa raa i te rahi raa faufaa i roa mai.

Ua faahiahia hoi to te ao i tera rave raa, e au i te rave raa i mau hia iho nei e Purutia o ta'na i parau ra e tama'i uira. E mea uira mau atoa te mau nuu peretane e to tatou hoi nuu iti farani tiama o tei o atoa i roto i teie faaau raa. Ua tae mai nei te mau niuniu e ua papai hia te io'a o to tatou nuu farani tiama i roto i te api parau no te mau nuu, e hoe pahi hopu e te hoe manua o «Courbet» te io'a, tera

atoa ia io'a i roto i te parau hanahana o te mau nuu o Paretane no te faahiahia ta ratou ohipa i rave i roto i teie tama'i i Aferita.

Te na o ra te tamaiti Hui Arii o Radziwill e e taime tano roa teie no Itaria no te ani ia Paretane e e faahau i te tama'i, eiaha e tia i perehu roa te fenua, e aore ra ia riro i raro ae i te faatere a te Purutia, e te tahi hoi ati e vai atoa mai ra, maori ra ia o te tupu te hoe orure raa hau riaria. E mea tano roa ae ia o te faahau ia Paretane, e maa e'a iti ae paha ia e mauruuru ai te huiraatira taatoa i Itaria.

Te parau ra hoi o Turetia, e aita'tu ia e ohipa toe ia Purutia, maori ra te faaitoito i te tupai ia Paretane. no te mea eita hoi e nehenehe ia'na ia aro atu i te pae i raro, no te mea te ati ra hoi to'na aneti, e piti roa ra hoi ta'na tiaturi raa, maori ra o Itaria e o Rutia. Ua papu hoi ia tatou e eita roa Rutia e hinaaro ia manuia o Purutia i te pae i te Miti Ereere.

Te faaite ra hoi te tahi vea e e mea peapea roa i Itaria, te haamata roa ra te huiraatira i te au ore e te riaria rahi roa ra hoi Mussolini ia manao e e haere mai te Purutia i roto i to'na ra fenua, no te mea ua ite roa Mussolini i-te huru faatere raa a Purutia, mai ta'na i rave i Paniora e i te mau fenua rii mai ia Rumania ma.

Te ati o te Itaria i te pae i Alabania, aita roa ia i tiaturi hia e te itaria e tae noa'tu i te mau faatere i te nuu itaria. Aita roa ratou i manao e e tupu te hoe aroraa i Alabania, ua papu roa ia ratou e e roaa noa Heleni ia ratou mai te tama'i ore.

Te ohipa rahi hoi i rave hia e te nuu manu reva paretane i Tarente o tei vavahi i te mau manua itaria, ua haaparuparu roa ia i te manao o taua nunaa ra.

A tupu atu ai teie ati rahi i Aferita, inaha ua topa roa te itoitaito o te itaria i te faito raro roa.

No reira hoi i nehenehe ai ia tatou ia tiaturi e te putapu faahou maira te tiaturi raa maitai. Na roto i teie nei manuia raa o Paretane, na te reira e haapu mai ia tatou e e puai rahi to Paretane, te vai noa ra to'na puai aita ra i oti i te tahoe hia. Ua purara hanoa na te ao nei. Ua tae ra i te taime i haaputuputu ai taua fenua rahi ra i te rahi raa o ta'na ra mau tamarii, ua faaote pia i te pu mai te ani i ta'na ra hua'ai a mau te fanaga pere i te omore a imi i te ora o te ai'a.

Ei reira e nehenehe ai ia tatou ia manao e o te taime maitai roa e teie no te tahoe raa'tu tatou i te nuu rahi farani e vai rahi Aferita. O ta te mau vea ia parau, maori ra, te parau nei te vea ia Weygand, e ua pau hoi te nuu farani i te aroa matamua, a tamata faahou na i te tuu i mua i taua mau na'na ra, e mea papu roa te roaa mai te rê.

O te huru ia o te mau parau e nenei hia nei na roto i te mau vea i te mau fenua i raro. Teie ta to Aiphiti parau: "Te vai nei te mahana e ite ai tatou e ua tahoe te mau nuu o te Tenerara de Gaulle e te nuu o te Teneraa rahi o Weygand. Aue ia parau i te oaoa e, aue ia maitai i te rahi e. Ia riro te reira ei tiaturi raa puai na tatou atoa, na te reira e tuu mai i te haumarua i roto i to tatou aau.

Te mau maitai e roaa mai no roto i te haari

Ua ite papu tatou i teie mau tau e ua huru faufaa ore ta tatou puha. E rave hia te puha, teie ra e moni navai ore roa to'na, no reira ua feruri aenei vetahi mau taata huru aravihi o te fenua nei i te hoe mau ravea no te imi raa i te hoe mau rave raa i taua opaa na tatou nei.

Ua ite pauroa tatou e e roaa mai te hinu no roto mai i te opaa teie te rahi raa i faito hia: 15 opaa e horoa mai ia i litera hinu. E hau atu â i te reira na roto i te tahi mau ravea rii ohipa huru rahi atu, maori ra na roto i te taviri raa i te haari, ia anoi hia maa pape veavea, te roaa huru rahi rii atura ia te hinu, area ra hoi te ota ra, ua maro roa'tura ia, e e tao'a maitai atoa hoi te ota no te faaamu i ta tatou mau puua e te moa, e mea maitai roa te moa i matau i te amu i te ota opaa, e mai te peu e ua huru rahi te hinu i toe i roto i te ota e rahi atoa ia to te moa ofaa raa i te huero. E mau maitai anae a te reira e roaa mai. Oia'toa te mau puuatooro e maitai hia te û na roto i te faaamu raa i te ota opaa.

Eiaha tatou e tuatapapa i te mau huru rave raa no te ana raa i te opaa, ua ite anae ia tatou i te reira e te mau ravea no te faahu'a raa i te opaa ana hia. Oia'toa i te taviri raa i te haari ua matu anae ia tatou i te reira. E ta pape ihoa tatou i te haari a taviri ai.

Ua rau te huru no te rave raa ia hinaaro tatou i te iriti mai i te hinu e vai ra i roto i te opaa. Tei te huru o te opua raa e titau hia ra, te vai ra ihoa ia to'na rave raa. Ia oti te haari i te taviri hia, e maha tuhaa i roto ia'na oia hoi: te pape, te hinu e e piti atu tau mea aore i roto i to tatou reb: teie ra o te mea ohie roa'e, maori ra ia o te hinaaro raa tatou i te hinu, e tunu ia i teie haari i taviri hia, e ia pihaa oia, inaha ua ore te pape e vai ra i roto ia'na, tae atu ai te hinu veavea maitai e te tahi atu tao'a e parau hia e albumine, na roto i te tunu tamau atu tatou i teie nei hinu i roaa mai inaha e tae atoa'tu te albumine vai noa mai nei te hinu mau.

E hau'a rii paapaa te hinu e roaa mai, tera ra aita roa e hau'a opaa faahou e aore ra e hau'a raa haari e te monoi.

Mai te peu ra e e hinaaro tatou i te rave atoa mai i te albumine, e tuu atu ia maa pia iti e aore ra maa faraa ota a haapihaa'tu ai ei reira ia taati atu ai teie nei tau tao'a a roaa mai ai te parau, ei reira hoi te hinu mau e mae'e ae ai i nia.

Mai te peu ra hoi e eita tatou e hinaaro i teie nei ravea, ua ite ihoa ia tatou i ta tatou ravea i matau hia ra, maori ra o te tuu atu ia na te mahana e faatahe mai i te hinu o te haari, mai tei mataro hia e tatou, i nia i te mahana i te ao e i te vahi haumarua i te po.

I nia i te mahana, te roaa mai nei te hinu, e i te po, ua tae ia te albumine, no reira ei te poipo e nehenehe ai te faataae raa ia raua. Te hinu e roaa mai na roto i taua ravea ra e mea huru puai mau a ia te hau'a haari e te vai atoa ra i roto i te reira te hoe tao'a avaava. No te faaore raa i taua avaava ra, e tano ia ia apiti hia'tu te reira hinu i te pape bicarbonate a ueue ai no te iriti atu i te reira.

No faaore ra i te hau'a haari ra, hoe roa ra ia ohipa e au i te taatoa raa o te taata ia rave. Maori ra ia te tunu faahou i taua hinu ra. Teie ra te huru tunu raa: e rave i te tahi pani rahi e aore ra hoe punu mori a tuu ai maa pape i roto, a tuu atu ai i te farii hinu i nia'e i taua pape ra a haapiha atu ai i te pape, na roto i taua ravea, ua ore roa ia te hau'a haari i roto i te hinu nei. Na te reira ravea e iriti roa'tu i mau mea'toa e horoa ra i te hau'a i roto i te hinu.

Te vai nei a te ravea maitai mau no taua ohipa ra. Ia rave hia

te miti tahatai no te haapihaa, e mea huru oioi ae ia te ore te hau'a; e mai te peu e e ta miti hia te miti tahatai, o tei hau roa atu ia i te maitai, no te faaoioi i te iriti raa i te hau'a haari nei; tera ra, e mea ohipa rahi a te reira mau ravea e e mea hoo hoi te miti, area te maa puru haari e mea vai noa ia aita e hoo raa, no reira e mea ohie ae te tunu noa i roto i te pape maohi, a huru maoro rii noa'tu ai te ohipa raa.

Ia oti noa'tu teie nei rave raa, e tama hia ia te hinu, e ia oti a tuu atu ai i roto i te mau mohina mā maitai e ia faai roa hia e tia'i, a oroi maite atu ai. E nehenehe atoa ia anoi hia teie nei hinu i te uefa e aore ra i te rea no te horoa'tu i te tahi maa faito raa iti e te hinu orive mau. Te tahi ia maa maitai o teie nei haari i ta tatou.

Te hinu aore i iriti hia te hau'a, e nehenehe roa ia ia hamani hia i te pu'a. Te vai ra ia te mau ravea no te reira tuhaa, e mea huru fifi ra ia faataa atu na roto i to tatou reo i te mau aneti e au no taua ohipa ra, no reira ra, mai te peu noa'tu e te vai ra te hoe taata o tei opua maite i te hamani i te pu'a, ia ani mai oia, e horoa hia'tu ia te mau huru atoa e au no te reira.

E nehenehe atoa ia hamani hia te margarine (huru fatata i te pata), na roto i te anoi raa i te hinu haari, te hinu puua e te hinu puuatooro tamahanahana hia. E nehenehe atoa ia ta miti hia, ia au o te hinaaro, e ia faarapu maite hia teie nei mau maa i anoi hia ia tae i te taime no te faatoetoe raa. E roa mai te pata maitai, e ere ra i te hinu maitai roa no te maa.

Te vai nei a hoi te hoe atu hamani raa no taua margarine ra, e mea huru fifi rii atu a ia, teie ia te faito: hoe litera hinu o tei iriti hia te hau'a haari, anoi atu ai hoe afa kiro hinu puua e hoe afa kiro hinu puuatooro, a tunu atu ai i roto i te hoe pani te vai ra te pape mai tei rave hia i te iriti raa i te hau'a haari. A vaiho atu ai i te reira ia toetoe, e i te reira taime, a taviri atu hoe afa litera haari, eiaha e tapape hia te haari, a taviri ai, ia faarapu maite hia i te reira taime e tae noa'tu i te paari raa, a paipai atu ai i roto i te pape i taua tao'a ra e tae noa'tu ai te mau mea iino e vai ra. A tuu atu ai te uefa no te faarearea raa i taua pata ra.

Te hoe mau parau tuatapapa raa no nia i te vahine ra o "Taitua".

Ua tae mai nei te hoe rata i roto i te rima o te "Vea Mao-hi" ta te taata ra o Turuma-ki-te-po a Tekehu no Haoroagai i papai mai no te faateite mai i te mau vahi rii i roa mai ia'na no nia i te papa raa tupuna o "Taitua Vahine".

No roto mau teie nei vahine i te opu hui arii; mai teie te huru: Ua fanau aera ia Tehonokaitaua tane e ta'na ra vahine o Tekeutehauvanaga: 1/ Munanui (arii rahi) - 2/ Tearikimaihiva Munanui.

Fanau aera hoi ta Tearikimaihiva raua o Tevahinepipikurateluaotava (e vahine Faarava teie) no roto hoi oia i te opu hui arii no Faarava: 1/ Tekautupu - 2/ Teratuanuku - 3/ Tekehuotu - 4/ Temagiorogo - 5/ Kauanuku - 6/ Rongohape - 7/ Kahurariki.

Fanau aera hoi ta Tekautupu raua o Tekurahigoariki vahine: 1/ Atanua - 2/ Nui - 3/ Mahinui - 4/ Pahoa.

Ua taoto aera o Atanua vahine i te tamaiti no roto i te opu hui arii no Fakahina o Tefakahira e fanau aera ta raua o Temauriakeha e aito. Ua taoto aera teie nei aito i te vahine ra o Gahina, ariki vahine e fanau aera ta raua o Tekopuheiariki.

Teie nei vahine e mea faaturatura hia oia no te mea hoi oia tei parahi iniaite parahi raa arii o to'na ra mau tupuna.

Tae aera ra i te hoe mahana, a parahirahi noa'i oia i nia i to'na ra parahi raa arii, inaha ua mihi ihora oia i to'na ai a tupuna e to'na hoi vai hopu raa e oia'toa ia'na iho; a faateniteni noa'i oia i taua mau mea rii ra; teie hoi te pebe ta'na i rave i taua taime ra:

«Tupu ake te henua, tupu ake havaiki. Ka tupu te vai ka-roa, te vai katupu ko vaireia, vaireia tavake roa kia pahere ko te vai hopu kou hoi teia noku no Tekopuheiariki e hupu ana i konei oioi ana i konei e ropuropu ana i konei e tahitahi ana i konei e horohoro ana i konei vaireia a vai kara tama-ku taua i te po te ao taua Tehetu taua Temarama taua e taua, taua, taua te atua mate tagata i fanau ai katopua riki tua e maoake e tokerau, e tokerau, tokerau te matagi kavivivihi puakina, penenekia te aroha o te tama e e kore paha e roa-ka e rakau te taeake e e toa e ara e ara mai e toa e ara ka-hi toa katavahi te toa tetauri taitea kapara kiterua ra i ku-parue kapara'ki te rua ra i kuporu nau ia peia laia hora hia kurukurua ki te faga luatua mea taviria te ko faga kakea te Niuroahiti kakea ra kakia ra koia ra tiria ra tuturia tauraki-na tera tagata Kanapea, kanapea ra ki te miro mahau nuku keragahia ki te kaha amatarua taviriviri, tavaravara para-para muakianuaki taua tuhenua katiki kananao matarua ki Havaiki, katiki kananao matarua ki Havaiki kerara kai ta-huga togohiti matanui takitaki ataraga tuakia kakea i mauri rererere tiria kiruga koromauri e ariki poto fakaraka hia kotama molu mai koe e te hiripurupe ka tika koe e te hiru-perupe e rere ko te rupe tena i te fagafaga e rupe tana uri e rupe tane tea varoa lehuku maro kotokoto kaitaga ta ko-nuokopuna ia o Teratuanuku a o vaka tei raro ko vahiti ko manahine Tapuhoe te fare ariki. Karuru a raua karau karau-ka ei tarau tamaki faganui faga iti faga tahi potupotu kono-horagaia: e gaoa e gamaori e gataurekareka e hua Tekopu-heiariki vahine Varoatehikumaro ».

Ia taoto aera Tekopuheiariki vahine ia Varoatehikumaro, inaha ua fanau maira ia raua: 1/ Tuteamaru - 2/ Tetahoa-roro - 3/ Taituaokaha - 4/ Kohemigo - 5/ Tearikimaihiva - 6/ Hioragi - 7/ Tauragi - 8/ Pahotokitekapuagavai - 9/ Tetamaui - 10/ Tuporotearikitu - 11/ Tematahuira.

Te reira taua Taitua ra o tei taoto hia mai e Kaoko, arii hopea no Paite i raro oia hoi o Takume-Raroia, a riro ai Tai-tua ei vahine na Kaoko ta parahi raua i teie nei na fenua e ua roa mai hoi to raua hia'ai.

E ia tae aera i te hoe mahana, ia hiti aera te ra i nia i te iria tai, e mahana nehenehe maitai, ua haaputupu ihora Kaoko i te mau taata atoa i taua hia fenua ra i mua ia'na e i ta'na ra mau hua'ai i reira to'na aratai, a mai ia Taitua i mua i te aro o teie nei nahoa rahi taata a hoi parahi atu ai oia i teie nei vahine i nia i te parahi raa o te arii tia'tu ai oia i pihai iho mai te tauahi atu i to'na ra rima i nia i te taponono o Taitua a parau atu ai oia i teie nei mau parau: «E Taitua e, te horoa atu nei au i na Paite nei, oia hoi o Takume e o Raroia, ei faufaa na oe e ta taua ra mau hua'ai e to oe atoa ra paeau felii e tae noa'tu i te hopea no teie nei ora raa ».

Ua na reira atoa atura o Taitua, ua tia aera oia i nia, haaparahi atura ia Kaoko i nia i te parahi raa o te arii, a tauahi atu ai i nia i te taponono, mai te parau atu ia'na e: «Te faa-tapu atu nei au ia oe i teie nei mahana, e te horoa atu nei au i na Paite i nia, oia hoi ia Haoroagai e Timanu, ia riro te rei-ra ei faufaa na oe e na ta taua ra mau hua'ai e to oe atoa ra paeau felii, ia riro te reira ei taoa na taua e to taua ra mau

hua'ai e to taua ra mau/fetii e tae noa'tu i te hopea o teie nei ora raa ».

Ua vai tiana noa teie nei tau tapu e tae roa mai nei i te matahiti 1889.

I taua taine ra ua haere atura te hoe mau hua'ai no roto mai i taua na taata ra i Haoroagai : o Reia, e Tearere, e Teina, e Garutahi e hina rere ratou na teie nei tau taata.

Ua oti hoi te fenua i te faaapu hia e te mau taata e faaea ra i taua fenua ra. Ua afai aera te mau ruau o te fenua i na hinare o Taitua ra i te hoe vahi i parau hia o Tetikakahaia, e tuhaa fenua e vai ra i Haoroagai, e ua horoa atura na teie nei mau tamarii. O ta ratou ia i rave e i faaapu e tae roa mai i te matahiti 1912. I reira ua tae faahou mai te hoe atu mau hua'ai no roto mai ia Taitua o Tupuhoe a Mrohua e o Tekava a Tapakia, ua puhapa atoa i nia i taua tuhaa fenua nei e ua faaapu hoi mai te tialuri e o te fenua tupuna teie o ta ratou ia i rave maitai ei faufaa na taua hua'ai ra no roto mai ia Taitua e Kaoko.

O te maa vahi teie i roaa mai na roto i te titoro raa a Turumakitepo a Tekehu.

Teie te tuati raa i te aamu o "KAE".

I te pee raa'tu o Togamaututu i tai mai, i te aau, teie te tiki i tiki hia na te Mahiga maira te patu hagamai te tupai noa ra KAE e to'na mau taata ia Tutunui mai te puai: teie te tiki i tiki hia: « Ua pohe te riri i te tama a Puturua ia Tutunui ia Togamaututu a Tinirau mai te taora o Kae e to'na mau taata i te mau hu'ahu'a i'o, ate, toto e te ivi i tua mai i te a'au mai te pii atu ia Tugamaututu: tera mai ta oe tuhaa te ohi noa maira Togamaututu i teie nei mau hu'ahu'a hiai te tuatiati maita na roto i to'na ra manamana e ora faahou maira o Tuutnui mai to'na mau huru matanua ra. - I reira ua tamata atura o Togamaututu i te faaou'a i tona ra tua'ana na te pae a'au o Vavau e tae aera i te hoe mahana parau atura Togamaututu ia Tutunui e e hoi raua i to raua ra ai'a. - Faatia maira Tutunui. - Ua imi atura raua i te tahe raa o pape ia raua i afai mai ia Kae i Vavau e ia tae aera raua i te fatu penapena, te tae atoa atura te manu ra e KARAGARAGA o tei parau atoa hia i tahito ra e KEREKERETEKI, e faaite ta'na peu i te parau api i te mau vahi ta'na e haere ra. - E ia tae aera teie nei manu ia Puturua ra, ua puai aera ta'na tai, i reira ua ite ihora Puturua, i taua raa no teie nei faaite raa a te manu, ua titau atura Puturua i ta'na mau tamahine ia paiuma atu i nia i te hoe tumu raau no te hi'ohi'o atu i te tai peneiae hoi i taua paraoa teie e tai hia nei e te manu. - Ua paiuma hoi o te hoe o na tamahine a Puturua i nia i te tumu pua, e inaha ua pii aera to'na reo mai te faaite mai e na Puo Tetogohiti, na hoi e pahi te auraa o teie nei parau.

Ua pii faahou atura o Puturua i ta'na ra tamahine e a hi'o maitai, na pahono mai hoi te tamahine e aita roa i papu, i reira to te manu oto faahou raa, mai te puai rahi, ua pii faahou Puturua i te tamahine e a hi'o maitai, i reira te taa raa i te tamahine e o na tohoro teie e tere mai nei mai te ou'a haere noa raua. - I reira Ruatamahine te faaite raa mai e e mea puai roa te pahu raa miti o Togamaututu area to Tutunui ra maa paruparu roa ia.

Tae roa mai nei na tohoro i te pae a'au ua faahopue aera raua i te miti, i roa aera to raua pape i te miti o te moana, ua hohoro atura raua i roto i to raua pape. - Horo oioi atura

Puturua e tana ra mau tamahine no te farerei i ta ratou ra tau tohoro. - Ua matapo hia hoi o Puturua e e mea maoro roa to ratou parahi raa i taua fenua ra.

Tae aera i te hoe mahana ua opua anae ihora te mau tamahine e faarue i taua fenua ra e e haere atu i Vavau.

Ua haere atura ratou e aroha i to ratou ra metua vahine e ia oti aera ta ratou aroha raa ra, ua haere atura Ruatamahine e to'na ra mau teina e tae atura ratou i te hopea mai o taua fenua ra e ia tae aera ratou i taua vahi ra ua nao anae ihora ratou e: Te henua Katutakie a poi e tutaki te henua, oia hoi i roto i to tatou reo, tuatiati te fenua. - Tuati mai nei te fenua i mua i to ratou fenua haere noa'tura ratou na nia i te mau fenua e tae roa'tu ai i Vavau. - Haere roa'tura ratou e tae roa'tura i te apoo pape o Vavau. - Ua paiuma anae atura ratou paatoa i nia i te tumu raau e vai ra i te hiti o taua pape ra.

I reira to Ruatamahine parau raa ia KU Ruga e ia KU Raro e a hea ra te afai pape a Kae e tono hia ma ai. - I te oti raa'lu a ta'na ra parau inaha te ite nei ratou i te afai pape a Kae i te haerea mai e te ite atoa nei ratou i te mau oro o teie nei mau farii pape e inaha e ivi tohoro anae ia.

Ia pou aera ra teie nei afai pape i raro i te apoo pape inaha te ite nei oia i te tahi mau ata te puta maira te hohoa i roto i te pape. - Ua hitimahuta aera oia e ua taio hoi mai te parau e: noku teie, no vai tera e tera e tera, e te hau'a noanoa hoi o tei tahiri na te reva, ua mata'u ihora te taata afai pape e ua horo noa'tura mai te haapao ore i ta'na ra mau farii pape o tei maruarua e ua paparari hoi aita aera e pape i tae i te utuafare, ani atura Kae e aita e pape, aita hoi e farii pape faahou, ua ui faahou atura Kae eaha hoi teie, ua pahono maira te taata afai pape: Kaore ana, kaore ana ei teie mahana e hauga to te kakara: parau atura Kae i hauga ai te kakara ko Ruatamahine. - Teie ta Ruatamahine parau i to'na ra mau teina: Ia tae mai Kae ia tatou nei, o vau ra te oto ia, area outou ra e tuha noa ia outou i to outou ra mau haae i nia ia Kae. - Ua parau faahou atura o Ruatamahine ia Ku ruga e ia Ku raro eaha ra e o Kae e haere mai. - I te oti raa'tu a teie nei parau, te haere mai nei o Kae. - Ua pou mai ra ratou i raro i te vahi papu: oto atura o Ruatamahine, mai te huru hoi o te tane e te vahine i te taine farerei raa: to'na mau teina ra te faatahe noa ra ia i to ratou mau haae i nia ia Kae, mai te au i te parau a Ruatamahine. Ia oti aera te oto raa, ua ui atura o Ruatamahine ia Kae e eaha te mau peu e rave hia i to oe nei fenua, ua faaiteite atura o Kae i te rahi raa o te mau peu maori ra, e horohoro, e ake, e tiri, ua tano aera teie nei ohipa i te manao o Ruatamahine. - Teie nei ohipa e tiri, e taora te aura, e pepe hoi te taata, mai teie te huru o taua ohipa nei e taora te tahi i te tahi e ia pepe te tahi e faaea ia oia, e tia mai ia te mono e tae noa'tu i te taine e hahi ai te taora raa, ua tau i te taata taora..

Ua haamata ihora taua ohipa ra, ua tia mai o Katouri, na Kae e taora, ua taora hoi Kae e ua pepe o Katouri, tia maira o Katomea, e ua pepe atoa hoi tia'tura o Katohau e ua pepe atoa hoi, i reira Ruatamahine te tia raa'tu e ua taora hoi o Kae, ua tano ra te ape raa a Ruatamahine i ore ai oia i pepe, a parau atu ai oia ia Kae e na'u atura ia te taora raa. - Ua manao hoi Kae e e ore roa oia e pepe ia Ruatamahine. Ua rave aera Ruatamahine i te paa o te maa o te fara, mai te parau atu oia ia Ku ruga e ia Ku raro e: A haere taku mea tuke nei i te nohi o Kae: e ia taora aera oia i ta'na mau ihaa, inaha e mea tano maitai i te mata o Kae, parari roa aera

te reira. - Ua oto ihora Ruatamahine ia Kae e to'na ra tau teina e ia oti aera tana oto raa ra uarave ihora ratou i te hoe ohipa. - Teie taua ohipa ra maori ra e paheru i te utu upoo. - Ua tamata aera Kae i te paheru i te upoo o na tamahine nei e aita roa e utu i itea hia. - I reira ua parau atura o Kae e o na outou ia te paheru raa i te utu i tau upoo nei. - Ua faatia hoi na tamahine nei, a rave noa'tu ai ratou i taua paheru raa utu ra e varea noa'tura Kae i te taoto. - E ua rahi roa te taoto o Kae, i reira na tamahine i te opua raa e haere e haune i te tahi haapee, e ia oti taua haapee ra i te haune hia, ua faafatata mairaratou i pihai iho ia Kae e ua faataahuri atura ia'na i roto i taua haapee ra. - Ua mau ihora ratou i taua haapee nei e o Kae i roto i nia i to ratou ra mau tapono. - Mai te upoo e na rima, tei roto ia i te rima o Ruatamahine, mai na rima e te opu, o Katouri ia, mai te pito e te tohe tei ia Katomea ia, mai na huhu e na poro avae tei ia Katohau ia. - Haere atu ai ratou e tae aera i te fenua i tapiri mai i Vavau ua parau ihora ratou e: I teie fagu koti ara te henua nei kia motumotu, kite pono havaiki motu mai ki te ao no kaha katagata tei pohe koti ae koti rirerire torotoro koti ava te henua nei. - Teie nei parau, o te faataataa raa hia ia te mau fenua mai to ratou huru i te matamua e tae roa mai i teie nei. - E ia tae aera ratou i te upua o te utuafare o to ratou ra metua vahine, ua taora atura ratou i teie nei haapee, i mua i te aro o Puturua, e ia topa aera teie nei tino i raro, ua uuru aera o Kae, fafa noa maira teie nei ruhia vahine matapo, mai te faatoro i to'na rima i roto i te haapee, mai te paheru maite e roaa roa atura ia'na te mata o Kae, ua aaro aera oia i na korigo (orio mata) i reira to Kae aue raa mai teie te huru: » Aue, aue, aku mata, aue, aue aku na mata higo vahine pa teie no toku ra vahine Vavau fataruga, fala raro Puturua ta kohe i ko tiai rore ai. - Ua na reira noa Puturua i te taparahi raa ia Kae e tae noa'tu i to'na ra pohe roa raa.

Te parau tuatapapa no "RONGO",

(O muri iho.)

Teie ta Vaio pehe i « Fangu ».

1. Peperué! peperué! é! e henda Rahuri'hi'a! Peperué! i i'a! peperué! á á! peperué!
2. Fakapikoa ra te faoa é! Kituara o Havaiki i motu é, te faoa'hoki é, te faoa'ia ia Rongo Mataiana ia riria! fakapikoa'ra te faoa'é!

Teie a te tahi Pehe.

1. Ko Temangungu, Kote vaka no Ru! turakina mai, turia, toia, nohoia to tapakau má!
2. Ia Rongo, takikia Rongo, e taki kite moaná! kia Rongo, e taki kite moaná! turakina mai!

O te mau pehe teie ta Vaio i oto i te pohe raa o Rongo, te faaite nei oia i roto i te pehe, ua faa taoto hia te tino o Rongo i raro ite moana

Ua riro taua mau mahana ra, ei mahana oto raa no ratou e te peapea no te pohe raa o Rongo, rahi roa'tura ia to ratou peapea.

Ia tae ra i tetahi ahiahi, po avae nehenehe maitai, no te menemene raa avae, te mau po ia « Omarai » na, parau atura o Vaio i na tamahine, tamata paha a parau atu ia orua nau tane, e rave outou ite upea e haere i tua, e tuu haere ai na

roto i te mau avaava, eaha ra hoi te nehenehe o teie nei po, e no te hiohio haere atu hoi i to orua tuane, no teie nei po.

Rave ihora ratou too maha i te upea, e haere atura i tua i nia i te aa'u e ua tuu haere i ta ratou upea na rolo i te mau avaava, tuu atura i te avaava matamua aita e ia, tuu atura i te piti aita e ia, ia tae ra i te loru o te tuu raa, mea rahi roa te ia ta ratou e ite nei, i te horo raa i roto i te upea, ua i roa te upea i reira, to ratou piu raa mai i te upea i nia, a hio ra ratou hoe noa'ihio ia e Totara

I reira to ratou afai raa mai i te upea i nia i te pae, no te manii i te Totara irapae ia amo mai ra ratou i te upea i uta, ia mea ratou e tuu i nia i te pae, ua mama roa te upea, no reira afai roa maira ratou i nia i te papa, ia mea ratou e tuu ua mama roa te upea, afai roa'tura ratou i uta roa i nia i te one-uouo, i reira to ratou tuu raa i te upea i raro, e tatara aera i te auvaha o te upea, a hio ra ratou e upoo taata te amoamo maira te mata ia ratou, eere te Totara.

I reira to ratou aué raa! e te horo i te utuafare, faarue hia tura te upea i tua e te pii hoi é, Tupapau, Tupapau, ia faaroo maira o Vaio i te vevu o te mau tamarii, e te luo taaiho ra ia'na é, e ohipa tei tupu, i reira tona haere raa mai, e farerei maira ia ratou, e ui atura eaha tena, pahono maira ratou e Tupapau, tei hea, era i tua tei roto i te upea, ua faarue hia e matou te upea i nia i te one i tatahi, i reira to Vaio ma-naonao raa é o Rongo, ia tae ra oia i tua, a hio ra oia o te Upoo o Rongo, i reira tona oto raa i teie nei mau pehe « Fangu » i taua taime ra ua teitei roa te avae, ua maramarama maitai te fenua, te mau po ia « Omarai ».

(Te vai atura).

TAHITI NUI

Eiaha e moe ia tatou i teie Tapati 29 no Titema 1940 i te hora 2 e te afa i Fautaua nei.

FAAHORO RAA RAHI PEREOO TAATAAHI

no ta tatou taiete api « VELO CLUB DE TAHITI ».

TEIE TE MAU HOO O TE MAU FAUFAA O TE FENUA NEI

Tei faatae hia mai e tei hoo hoo taao i Papeete.

Puha tahiti: e 35 tenetima i te kiro.

Puha Tuamotu: 38 tenetima i te kiro.

Vanira maro: 350 farane i te kiro.

Painapo: 750 farane i te tane ia tae i te fare tapiri raa.

Taofe paa: aita e moni i faaau hia.

Te hoo hia nei i te fare nenei raa vea a te hau te tapura tai'o mahana no te matahiti 1941.

PAPEETE TAHITI — FARE NENEIRAA VEA A TE HAU.